



CONVENIO ENTRE O INSTITUTO GALEGO DE PROMOCIÓN ECONÓMICA (IGAPE) E A ASOCIACION ESPAÑOLA DE MAYORISTAS IMPORTADORES, EXPORTADORES Y TRANSFORMADORES DE PRODUCTOS DE LA PESCA Y ACUICULTURA – CONXEMAR–PARA A ORGANIZACIÓN CONXUNTA DUN PROGRAMA DE COMPRADORES NA FEIRA CONXEMAR 2025

MEMORIA XUSTIFICATIVA PORTAL DE TRANSPARENCIA

A subdirectora da Área de Internacionalización do Instituto Galego de Promoción Económica (IGAPE)

DECLARA

Que o IGAPE ten previsto formalizar con Conxemar o convenio anteriormente mencionado por un período de vixencia que abrangue dende o día da súa sinatura ata o 30 de decembro de 2025.

Que o instrumento convencional ten por obxecto organizar conxuntamente o Programa de Compradores Internacionais na Feira Conxemar 2025.

Os obxectivos principais deste convenio son promover o produto do mar e os seus derivados, impulsar o prestixio do sector e mellorar a imaxe de marca do marisco de Galicia nos mercados nacional e internacional. Todas estas accións terán un impacto directo e positivo nas pemes galegas do sector.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional que se pretende asinar fundamentase no seguinte:

I. O Plan Estratéxico de Galicia 2022-2030 recolle no Eixo 3:

PA 3.3 IMPULSAR O CRECEMENTO E COMPETITIVIDADE DAS PEMES, A TRANSICIÓN INDUSTRIAL E O EMPRENDEMENTO.

3.3.1 Impulsar a creación de novas empresas, a consolidación e crecemento das existentes, a súa internacionalización e fomentar decididamente o espírito emprendedor. Garantir o cumprimento das condicións de seguridade das instalacións no que atinxe á seguridade industrial e de equipamentos industriais e a defensa das persoas consumidoras e usuarias, protexendo a seguridade, a saúde e os seus lexítimos intereses económicos.



Dentro das necesidades que atopamos neste punto está a de “incrementar a cooperación empresarial como elemento de crecemento das empresas, que incremente á súa vez a competitividade e a actividade económica”.

II. Conxemar ten entre os seus obxectivos a xestión, promoción, defensa, coordinación e representación dos intereses comúns dos seus membros e, na medida en que sexa legalmente posible, dos intereses xerais do sector pesqueiro e acuícola. Tamén busca incrementar o nivel de competitividade do sector, promovendo a interacción entre os distintos axentes, fomentando a colaboración entre as empresas para dinamizar e favorecer as relacións comerciais, e implicándoas en procesos de intercambio colaborativo. Estes procesos buscan a obtención de vantaxes e beneficios derivados da execución de proxectos innovadores e concretos. A finalidade de Conxemar será tamén facilitar prácticas innovadoras que melloren a competitividade das empresas, achegando unha maior proxección internacional ao sector.

III. Conxemar desenvolve as seguintes actividades co obxectivo de fortalecer e dinamizar o sector:

- Defensa dos intereses do sector: Representación e protección dos intereses profesionais, económicos, tecnolóxicos e comerciais das empresas asociadas, participando en convenios, pactos e resolución de conflitos colectivos.
- Fomento da cooperación e a innovación: Impulso da colaboración entre empresas para mellorar a competitividade, promover o emprendemento e facilitar a transferencia de coñecemento.
- Identificación de retos estratéxicos: Agrupación de intereses comúns para dar resposta aos desafíos competitivos do sector acuícola e pesqueiro.
- Proxección internacional: Desenvolvemento de iniciativas para posicionar as empresas en mercados clave, favorecendo a súa expansión e presenza global.
- Servizos e formación: Creación e facilitación de servizos de valor para os membros, incluíndo márketing, publicidade, asistencia técnica e programas formativos.

Este conxunto de actividades contribúe ao fortalecemento do sector pesqueiro e acuícola, garantindo a súa evolución e competitividade nun mercado globalizado.

IV. Conxemar é o espazo de encontro de todo o sector galego, sendo a entidade que integra os intereses do sector acuícola e pesqueiro. Promove a colaboración entre as empresas do sector, co obxectivo de incorporar valor engadido aos produtos en todas as fases do seu desenvolvemento e axudar aos seus socios a desenvolver novos mercados.

Por todo iso, IGAPE e Conxemar están interesados en colaborar para a consecución dos obxectivos comúns neste convenio, a través da organización conxunta do programa de compradores na Feira Conxemar 2025.



INSTITUTO GALEGO
DE PROMOCIÓN
ECONÓMICA

A subdirectora de Internacionalización

Laura González-Dopeso Portela